

曾国藩全集

第三卷

「清」曾国藩 著

河北人民出版社

初名子城，字伯涵，号涤生，谥文正。
湘军的创立者和统帅。清朝战略家、政治家。
两江总督、直隶总督、武英殿大学士，封一等毅勇侯。

日记



曾国藩全集

日记

第三卷

〔清〕曾国藩 著



河北人民出版社



目 录

同治三年	1
正 月	2
二 月	11
三 月	20
四 月	32
五 月	41
六 月	51
七 月	60
八 月	69
九 月	77
十 月	86
十一月	94
十二月	103
同治四年	111
正 月	112

二 月	120
三 月	128
四 月	137
五 月	145
闰五月	153
六 月	162
七 月	170
八 月	179
九 月	188
十 月	196
十一月	204
十二月	212
同治五年	219
正 月	220
二 月	227
三 月	235
四 月	242
五 月	252
六 月	261
七 月	270
八 月	278
九 月	286
十 月	293
十一月	301

十二月	309
同治六年	317
正 月	318
二 月	326
三 月	335
四 月	344
五 月	352
六 月	361
七 月	369
八 月	377
九 月	385
十 月	393
十一月	402
十二月	410

日記

同治三年

正 月

初一日

黎明至万寿宫拜牌，旋归寓，至祖宗前行礼。各文武员弁庆贺者甚多，一一接见，至巳刻始毕，中坐见者五次，余皆立见。巳正，出外拜客，朱久香前辈处一坐，余皆未会。归，清理文件。午正二刻请幕府诸人一饭，未末散。出唐伯虎、仇十洲之画共一赏玩。阅本日文件甚多，添恽次山信二页。夜温古文二首，核批札各稿，添彭杏南信一页。二更三点睡，倦甚，遂能成寐。五更醒。

初二日

早饭后清理文件，见客三次，杨仲乾谈最久。出门拜客，在毛竹丹、忠义局两处久坐，归已午正矣。见客，魏涟西等一谈。中饭后见客二次，围棋一局。阅《通考·征榷类》“榷茶”毕，阅本日文件。至内室一坐。夜核批札稿。温《归去来辞》《芜城赋》《哀江南赋》，二更五点睡。

初三日

早饭后见客三次，坐均颇久。清理文件，围棋一局，写刘霞仙信一件，共七页。午刻，邓观察裕生来一谈，黄南坡来久谈。中间饭后，阅《通考》《坑冶》、《杂征榷》，阅本日文件极多。傍夕至幕府一谈。夜核批札各稿，二更后将《哀江南赋》朱圈一过。

初四日

早饭后清理文件，见客十次，内坐见者二次。围棋一局。写澄弟信一件、沅

弟信一件。午正核批札稿。中饭后阅《杂征榷》，阅本日文件，再阅《杂征榷》未毕。傍夕至内室久谈。夜，接奉廷寄二件，核批札各稿，二更后温《送穷文》《进学解》《秋声赋》《赤壁赋》，《古文·词赋类》温毕。

初五日

早饭后见客二次，衙门期也。旋立见者三次。清理文件。围棋一局。已正见客，坐见者一次，立见者一次。午正写信，甫执笔而黄南坡来，与之久谈。又围棋一局。旋又见客二次。中饭后见客，坐见者一次。阅《征榷考》，至傍夕始毕。阅本日文件极多，至幕府一谈。夜将《征榷考》中录《雅训小记》。二更后核批札各稿。四点睡，甚能酣寝，几至于竟夕不醒，岂日内服新制丸药之效耶？

附记

云吉已在局用二百六十金，又支四十，凑足三百。
粮台再送三百金内一百私送，余又补一百。请恤。

初六日

早饭后清理文件。见客，坐见者五次。围棋一局，写黄印山密信一片。午刻见客二次，核科房批札稿甚多，写刘印渠信三页，未毕。至万簾轩家赴宴，主为两司两道，客为余与朱学使暨黄南坡、毛竹丹、王孝凤也，申刻归。阅本日文件，阅《通考·市糶》。傍夕至内室一谈。夜写印渠信一页，仍未毕，核批札各稿。二更后温《古文·诏令类》。

初七日

早饭后清理文件。见客，立见者一次，坐见者二次。围棋一局。将印渠信写毕，旋写沅弟信一件。吴缵先来，与之久谈。午刻核批札稿。中饭后，莫子偲来，与之赏玩新得殿板《廿四史》，何廉昉之所送也。阅《市易考一》，阅本日文件。周缦云来，久坐。又立见之客二次。核改批札各稿。傍夕至内室一叙。夜改复李世忠信稿，又核各信稿，温《书·吕刑》未毕。牙疼而松，岂近日服丸药太补之过耶？

初八日

早起，备祭席，因先祖星冈公冥诞，率家人行礼。饭后见客，立见者二次，

坐见者三次。清理文件。围棋一局。写沈幼丹信。旋又见客，坐见者三次，立见者三次。午刻核批札各稿。中饭，请同县魏涟西、沈霁亭、潘伊卿等六人便饭，未正毕。阅本日文件。接沅弟信，寄有刘霞仙中丞信一封，奏稿二本，粗阅一过，已昏暮矣。至幕府一谈。夜核批札稿、信稿颇多，温《吕刑》，仍未毕。二更四点睡。

初九日

早饭后见客一次，清理文件。围棋未终局而雪琴来，与之久谈，已刻去。又见客三次。写郭意臣信一封。请黄南坡、毛竹丹及司道小宴，申初散。阅本日文件。说话太多，倦甚。傍夕阅《市采考》数页。夜核批札稿，疲乏若不能自持者。二更后温《吕刑》，三更毕。日内因三次酒席，困倦已极。

初十日

早饭后见客二次，衙门期也。清理文件。围棋一局未毕，周燮云来上学，行礼毕。又见客三次，再围棋一局，倦甚。雪琴来，留吃中饭，是日先生入学，备有酒席也。杨厚庵来。未正，饭毕，倦困若不克自持者。阅本日文件。申正阅《市采一》毕。傍夕，登床小睡。夜核批札稿甚多，至二更五点毕。是日大雪竟日，平地二尺，寒冷异常。闻侍逆与黄文金上犯江西，已至绩溪，为之忧灼不已。

十一日

早饭后清理文件，见客一次。旋出城拜客，雪琴晤谈片刻，厚庵、南坡俱未会。归与鲁秋杭围棋一局。写李少荃信一封。风雪不止，酷寒难耐。核科批稿。中饭后，南坡、竹丹来久坐，阅本日文件，改盐务折一件，至一更五点毕。旋又改折一件、片一件，核批札稿，二更四点睡。是日雪大如故，平地几及三尺。闻贼已窜绩溪，而各军不能拔营往剿，忧灼之至。

十二日

早饭后清理文件，围棋一局，见客二次，写左季高信一件，改片稿一件。午正请客杨、彭等中饭，申初散。阅本日文件甚多，未毕。傍夕至幕府一叙。夜核批稿、信稿甚多。二更三点后，朗诵《吕刑》，三更睡。是日大雪不止，奇寒不

能治事。申刻，发报二折二片。

附记

一人	二客	三信	四科
五书	六文	七批	八歌
七处奠吊	江吴桂范	密孝折单	苏盐新章
四谢恩折	希事四单		

十三日

早饭后见客一次，又立见者一次。清理文件。写沅弟信一件。围棋一局。大雪不止，至内室围炉小坐。午刻见客二次，金眉生与彭雪琴先后久坐。中饭后阅《通考·市榷二》，阅本日文件极少。傍夕复阅《市榷二》，未毕。夜核批札稿，二更后温《文侯之命》《费誓》《秦誓》。是日酷寒如故，天容惨黯，不特军士困苦堪怜，且农家亦恐伤麦矣！

十四日

早饭后清理文件，围棋一局。旋写澄弟信一件。已刻接见张富年、潘鸿焘、毛有铭，三次坐谈颇久。午刻孙琴西来一谈。核科房批稿。中饭后阅《市榷考》毕，阅本日文件，万簏轩来久坐，蒋之纯、曾璞山来久坐，又阅《土贡考》。傍夕至幕府一谈。夜核批札各稿，二更后温《古文·诏令类》。汉文各诏，虽三代“誓”、“诰”不能过也。下唇疼痛，二更三点即睡。是日雪止，午后放晴，酷寒如故。

十五日

早饭后，因唇疼，谢绝各客不见。清理文件。围棋一局。吴竹庄自芜湖来，晤谈良久。刘开生等来，言绘图事。午刻核科批稿。黄南坡来，又与围棋一局。曹禹门来一坐。中饭后见客，坐见者一次，立见者二次，阅《通考·土贡一》毕，《国用一》毕，阅本日文件。天气虽晴，奇寒如故，殆近岁所未有也。至内室围炉一坐。夜核批札稿。二更后，阅《戴东原文集》，偶思士大夫之家不旋踵而败，往往不如乡里耕读人家之耐久。所以致败之由大约不出数端。家败之道有四，曰：礼仪全废者败，兄弟欺诈者败，妇女淫乱者败，子弟傲慢者败。身败之

道有四，曰：骄盈凌物者败，昏惰任下者败，贪刻兼至者败，反复无信者败。未有八者全无一失而无故倾覆者也。

十六日

早饭后清理文件，旋见客，立见者二次，坐见者一次。围棋一局。又见客，坐见者三次，立见者一次。批湖北寄来之手折。又见客三次。应酬太多，不复能治事矣。中饭后，张铨渠、毛竹丹来久坐。阅本日文件，核批札各稿。傍夕至小岑处一谈。夜核谢恩折稿五件、信札稿数件。二更后阅《东原文集》。

附记

藁田原奏存红拜匣内

密考式存红拜匣内

十七日

早饭后清理文件。旋见客，坐见者三次，立见者一次。围棋一局。写沅弟信一件，计四页。折差黄齐昂自京回，阅京信十余件、京报廿余本。周军门来一坐。中饭，请吴竹庄等便饭，未未毕。阅本日文件，再看京报，核批札各稿。傍夕至幕府一谈。夜阅赵沅青所为骈文，作李希庵挽联二付。

十八日

早饭后见客，坐见者三次，立见者二次。清理文件，围棋一局。旋又见客，坐见者三次，立见者四次。已疲乏，不复能治事。核科房批稿。中饭后见客，坐见者一次，立见者二次。作范云吉挽联一付，写希庵挽联，写祭幛四幅，送刘坦衢师、钱湘吟之父、江味根、范云吉。阅本日文件极多，未毕，灯初始毕。至幕府一谈，筱岑不以挽云吉之联为佳，又撰一联，沉吟良久。核批稿。三更睡。二日天气放晴，本日始暖，有春意矣。

附记

当涂天门书院赵光缙禀

芜湖鸠江书院竹庄请

十九日

早饭后清理文件，见客，坐见者二次，立见者七次。围棋一局，写范云吉挽联一付。午刻开印行礼，核科房批稿。将去年九月以后奏事目录一誊。中饭后，朱学使来一谈。吴竹庄来久坐，方存之来久谈。阅本日文件，核批札各稿。夜将批稿核毕，读赵岐注《孟子·梁惠王上》，二更四点睡。

附记

李四问赈事	厚庵要东征局三千
柯至朱处	程梓庭孙录用
访问何铎把持	包提审
万处有陋规单	徐晋裕赴万处

廿日

早饭后清理文件，见客二次，衙门期也。围棋一局。旋又见客，坐见者二次，立见者二次。誊奏事目录毕。已未，黄南坡来久谈，围棋一局。中饭后，阅《通考·国用二》，阅本日文件。剃头一次。阅《国用二》毕。至幕府鬯谈。夜核批札各稿，倦甚。二更后温《孟子·梁惠王下》，未毕，三点睡。

廿一日

早饭后清理文件，见客，立见者二次，围棋一局。旋见客，坐见者三次，立见者三次。午刻，核科批颇多。中饭后阅《国用三》，阅本日文件，见客二次。夜，因《通考·漕运》中有误字不可通者，翻《唐书·食货志》细校一过。核批札各稿，倦甚。朗诵苏诗数首，早睡。是日积雪未融，而申刻大雨，夜深未止。已刻，至朱久香学使处久谈。

廿二日

早饭后清理文件。旋见客，立见者二次，坐见者二次。围棋一局，写郭云仙信一封。午刻核科房批稿，又写筠仙密信二页。中饭后阅《通考·国用三》毕，阅本日文件。核改信稿，未毕。忠鹤皋来久坐。夜核信稿、批札稿。二更后，阅阮文达所纂《诗书古训》。四点睡。近日于应办之事，往往因循迁延，不克即日

了毕，乃知“佚”字之病最难克去耳。

廿三日

早饭后见客二次，衙门期也。旋围棋二局，写沅甫信一封。万方伯、忠都转、何廉访先后坐，谈颇久，又见客一次。午刻，黄南坡来，围棋一局。中饭后阅《国用考四》未毕，阅本日文件，核批札各稿。傍夕至幕府一谈。夜改信稿、批稿。

廿四日

早饭后，至学使衙门、甄别书院，借考棚扁试。试题“百世之下”四句，诗题《名誉不如心自肯》。与久香学使坐谈良久。旋出城拜客，已正归。围棋一局，写澄弟信一封。午刻，黄南坡来久坐。中饭后，倦甚，又与眉生久谈，阅本日文件。困疲若不克治事者。至内室散步，又在书房小睡。夜，办年终密考单、江西各员注考，未毕。二更四点睡。是日，专人送钱湘吟钱、黎福保及刘宅、李宅贽仪等礼。

廿五日

早饭后见客二次，衙门期也。清理文件，围棋一局。陈虎臣来久坐。午刻，核科房批稿颇多。中饭后，再办密考单，阅本日文件，密考单粗毕。至幕府一谈。夜又将密单细核一过，改折稿一件、片一件，二更三点毕。温《孟子》“齐人伐燕，取之”，至“养气”章止。是日治事稍多，疲乏殊甚。

廿六日

早饭后清理文件。旋见客，坐见者一次，立见者五次。将密单等请友至内眷写，写朱久香学使信一片、沅弟信一封，围棋一局。午刻核科房稿甚多。中饭，请忠鹤皋、丁仲文、张仙舫等便饭。饭后，阅本日文件。核幕友批稿信稿。与眉生鬯谈。夜改折稿一件、片稿二件，倦甚。二更三点，温《孟子》“仁则荣”章，至《滕文公》止。

附记

萧、王、冯信

廿七日

早饭后清理文件。见客，立见者四次。围棋一局。改折片一件，改信稿数件。午刻核科房批稿，黄南坡来久坐，又围棋一局。中饭后阅本日文件，写对联、挽幛、挂屏六幅，约三百余字。核幕府批稿。傍夕与幕友一谈。夜再核批稿，二更后温《滕文公》上、下篇。是日，发报二折、三片、一清单。

附记

王志行，免房费	阙平相陈件
江振采，接王缺	刘松岩信

廿八日

早饭后见客，坐见者二次，立见者三次。旋围棋一局。巳刻，陈心泉、黎纯斋来，坐颇久。午刻核科房批稿。是日，折差施占琦进京，关年终密考折，谢福字恩折，又沅、雪、鲍、万各谢恩折，详对一过，并京信数件。中饭后，朱久香学使来，将代看书院各卷交还，即命书办填写名次，与之久谈。阅本日文件，写对联二付、挂屏四幅。傍夕至内室一谈。纪泽儿本日小恙，未出。邓守之来久坐。夜核批札各稿，二更三点，温《离娄》上、下二篇，五点睡，倦甚。是日接奉廷寄一件。

廿九日

早饭后清理文件。旋见客，坐见者四次，何小宋、忠鹤皋坐甚久。围棋一局。午刻见客，坐见者一次，立见者一次。核批稿。说话太多，倦甚。中饭后阅《通考·赈恤》毕，又阅《蠲贷》一卷，阅本日文件。傍夕至内银钱所一坐，又至邵宅一坐。夜核批札稿颇多。二更二点，温《万章》上、下。四点入内室睡。是日午刻，李眉生来久谈，因与之言“三乐”、“三薄”之目。申刻写对联五付、挂屏二幅。四更二点，闻纪泽之病加重，夫妇起视，见其汗出如雨，壮热不止，因请欧阳小岑诊视，用参、术、苓、草、姜、附，五更服兰贴，汗微止。次日大愈。

附记

原单阙牧开	存红拜匣内
-------	-------

李方炳滁洲李家集人，悉练

李春芳滁洲界牌集人

李显安李世忠之养子，行四，运漕人

胡宝贤李显安之书识，六安人

胡宝春宝贤之弟，代李世忠管田庄，曾在乌衣抢民米

宋学文杜宜魁之部下，副将，现在全椒，抗不撤勇交城，又勒令田主书卖契

刘义高杜部副将，与宋同恶

杨永清全椒人，师帅，副将。刑具。抢牛

郑宏谟未安水口集人，藉营抗官

又记

成、蒋、萧、毛单 江西丁漕三案抄本

扁鹊罪状单 次青屈抑信

二 月

初一日

早饭后，文武贺朔者，一概谢绝不见。清理文件，围棋二局。出门吊王孝凤，渠新闻讣，丁外艰也。旋出城送黄南坡之行。午正归，见纪泽病已痊愈。中饭后，阅《通考·舆地一》毕，阅《舆地二》数页，写对联、挽幛八件，阅本日文件。傍夕倦甚，小睡。夜核批札各稿，二更后温《告子》上、下，四点睡。是日接沅弟信，知金陵城业已合围，只空出后湖一段，且喜且惧，喜沅弟苦心经营，将有蕲事之日，惧穷寇冒死冲突，如黄河将合龙时之走埽也，不胜战栗之至。

初二日

早饭后清理文件。旋见客，立见者五次，坐见者二次。围棋一局。写沅弟信一件、沈幼丹信一件，未毕。黄南坡来久谈，又与围棋一局，万簏轩来一坐。中饭后将沈信写毕。见客，立见者二次，坐见者二次。阅本日文件。酉刻阅《通考·舆地二》，未毕。傍夕至幕府一谈。夜核批札稿。二更倦甚，小睡。温《孟子·尽心》上、下篇毕。是日接奉廷寄一件。

初三日

早饭后见客三次，忠鹤皋谈甚久，又立见者二次。清理文件，围棋一局，陈虎臣来久谈。旋又见客一次，久谈，倦甚。阅窦兰泉《埤铢寸录》，中饭后再阅之。写对联八付，阅本日文件。核江宁七属暨仪征并附场七州县盐务，至夜二更核毕，又核各批札信稿。三更后，温《古文·诏令类》“经”六首，“汉诏”

八首。

附 记

汉局二支应转运

武穴一新

西坝一陈

西省局一

初四日

早饭后清理文件，旋围棋一局。见客，坐见者一次，立见者二次。写澄弟信一件，核科房批稿。午刻将以《方輿纪要》与《通考》校对，将《纪要》题识册面。中饭后，阅《通考·輿地二》，未毕。阅本日文件，写对联、横披，阅窦兰泉《埤铢寸录》。傍夕至幕府一谈。夜核批札各稿。旋温《古文·诏令类》西汉各篇，毕。

初五日

早饭后清理文件，旋见客二次，衙门期也。围棋一局，写对联十三付，见客一次。午刻核科房批稿。倦甚，小睡半时许。中饭后，马谷山方伯新到，久谈。万簾轩亦来久谈。阅本日文件。酉刻，阅江苏减漕说贴办法。傍夕与李眉生一谈。夜核批札各稿。二更后，温东汉各诏。五点睡，不甚成寐。

初六日

早饭后清理文件。旋围棋一局。写对联九付，至眉生处一谈。午刻核科房批稿。小睡半时许。午饭后阅《通考·輿地二》“山西”，写沅弟信一封，见客一次，阅本日文件。申正再阅《通考》，傍夕未毕，又小睡片刻。更初核批札各稿。二更二点后温“诏令类”三首，四点睡。

初七日

早饭后清理文件，旋见客，坐见者三次，立见者三次。围棋一局，写对联十三付。天气奇寒，至内室一坐。午刻，核科房批稿，小睡半时许。请万簾轩、马谷山等中饭，申初散。阅本日文件，阅《通考·輿地二》毕。傍夕至李眉生处一叙。夜核批札各稿，未毕。二更二点温陈琳《讨曹氏檄》。